

Նիստը բանալով՝ պ. *Նախագահը* հայտարարում է հետևյալ օրակարգը.

1. Պատգամավորական օրապահիկի օրինագծի երրորդ ընթերցումը.
2. Դպրոցական օրինագծի Բ և Գ ընթերցումը.
3. Օրենսդրական հանձնաժողովի զեկուցումը քրեական դատավարության մի քանի կետերի մասին.
4. Օրենսդրական հանձնաժողովի կազմած օրինագիծը օրենքներ հրատարակելու մասին.
5. Հանձնաժողովների զեկուցումները.
6. Ընթացիկ գործեր, խմբագրական հանձնաժողովի ընտրությունը:

Պ. Նախագահը հայտնում է, որ կառավարությունից ստացվել է բանբակի պետականացման օրինագիծ, որը և նակագի համաձայն հանձնվում է պարենավորման հանձնաժողովին:

Ապա կարդացվում է նախագահության ստացած մի քանի ընթացիկ թղթեր:

- Ա. Ձառ գյուղի բնակիչները բողոքում են, որ իրենց ցանքերը զինվորների կողմից թալանի են մատնվում:
- Բ. Սուսուլման պատգամավորները նույնպես բողոքում են, որ Երևանի միլիցիայի պետը թալանված պատգամավորի իրավունքը չի պաշտպանել:
- Երկու բողոքն էլ ուղղված է համապատասխան մինիստրներին:
- Գ. Բաշգյառնի գյուղը բողոքում է, որ պարենավորման մարմինը չափից ավելի ցորեն է պահանջում: Այդ գրությունը ուղարկված է պարենավորման վարչությանը:

Սոց. դեմոկրատական, սոց. հեղափոխական և Հ[այ] ժող. կուսակցության ֆրակցիաների կողմից առաջարկվում է պատգամավորական օրապահիկի օրինագծի Գ ընթերցումը հետաձգել, որովհետև իրենք պետք է խորհրդակցեն այդ նյութի մասին:

Առաջարկությունն ընդունվում է: Խորհրդարանն անցնում է օրակարգի Բ կետին:

Ձեկուցանող պատգ. *Տիգրանյանը* առաջարկում է առաջնորդող սկզբունքների մեջ օրենքի բնույթ կրող հողվածները քվեարկության դնել:

Այդ հողվածներից մեկն է է. կետը:

Ա. *խոնդկարյան* - Առաջարկում է սկզբից կարդալ հողված առ հողված և ապա որոշել, թե ո՞ր հողվածներն օրենքի բնույթ են կրում և որոնք առաջնորդող սկզբունք են:

Առաջարկությունն ընդունվում է:

Ա. հողվածը խորհրդարանը միաձայն ընդունում է որպես առաջնորդող սկզբունք:

Բ. հողվածը դուրս է հանվում՝ որպես դպրոցական ապագա բարեփոխությունները կաշկանդող կետ:

*խոնդկարյանը* և Ա. *Մխիթարյանը* առաջարկում են Գ կետը հանել. *Տիգրանյանը* և *Ռաշմաճյանը* պնդում են, որ այդ կետը պետք է մնա, իսկ վերջինս ավելացնում է նաև, որ բացվելիք դպրոցների շարքում պետք է հաշվել նաև արևմտահայ դպրոցները:

Գ. կետը պատգ. *խոնդկարյանի* առաջարկությամբ ընդունվում է որպես առաջնորդող սկզբունք, հետևյալ փոփոխություններով. «պահել եղած դպրոցները և բանալ նորերը»:

Դ. և Ե. կետերը, որպես առաջնորդող սկզբունքներ, միաձայն ընդունվում են խորհրդարանի կողմից: Զ, է և Ը կետերը անցնում են որպես առաջնորդող սկզբունքներ, հետևյալ ուղղումներով. Զ կետի վերաբերյալ՝ պետությունից նպաստ ստանալը չի ծառայում որպես նշան և ապացույց, որ դպրոցը դառնում է պետական կառավարչական, որովհետև հայտնի չէ, թե ապագայում դպրոցը ու՞մ ձեռքը կանցնի: Է կետի վերաբերյալ՝ դպրոցի պետականացման կարգը մերժվում է և գերադասելի է դառնում ազատ և հասարակական դպրոցի սկզբունքը: Ը կետը ընդունվում է հետևյալ հավելումով. նորմալ պայմաններում դպրոցի տնտեսական մասը հոգացվում է տեղական միջոցներով և համայնական հարկատվության ձևով:

Պատգ. *Ջուրյանի* առաջարկությամբ Ժ կետը առաջնորդող սկզբունքներից հանվում է և որոշվում է քննության ենթարկել դպրոցական օրինագիծը քննելիս:

ԺԱ. կետը ևս համարվում է օրենսդրական բնույթ ունեցող և հետաձգվում է:

Այնուհետև խորհրդարանն անցնում է ժամանակավոր օրինագծի քննությանը:

Ա. հողվածի մասին լինում են կարծիքների փոխանակություններ, որից հետո ընդունվում է, որ այդ կետը պետք է մաս-մաս քվեարկել:

ա) Դպրոցական մարմինը մտնում է կառավարության կազմի մեջ: Անցնում է 21 ձայնով:

բ) Ինչպե՞ս է կազմակերպվում դպրոցավար մարմինը. կոլեգիա՞լ, թե՞ միանձնյա:

Դպրոցական վարչության կոլեգիալ կազմի դեմ արտահայտվում է Դ. *Ջուրյանը* և առաջարկում է ուղղակի քվեարկել, թե ո՞ր մինիստրությանը կցել:

Թ. *Ավդալբեկյան* - Առաջարկում է այդ հարցը թողնել մինիստրական շտապներ մշակող հանձնաժողովին և քննել այդ հարցը, երբ այդ օրինագիծը կքննվի:

Ա. *Տիգրանյան* - Երբ դպրոցական հանձնաժողովը բերում է որոշ օրենք, և խորհրդարանն ընդունում է, դա կլինի շտապների հանձնաժողովի համար մի դիրեկտիվ: Մյուս կողմից, շտապողական է մարմնի ձևի որոշումը, որից կախված է դպրոցների վերաբացումը:

Քվեարկության է դրվում «Դպրոցական գործը հանձնել առանձին մինիստրի» առաջարկը, որը և անցնում է 18 ձայնով, հակառակ 14-ի:

Բ կետը Դ. *Ազատյանը* առաջարկում է փոխել հետևյալ մտքով. քաղաքներում և գյուղերում դպրոցները ենթարկվում են տեղական ինքնավարություններին:

Ա. *Տիգրանյան* - Այդ կետը ընդունվում է ոչ թե այստեղ, այլ ուրիշ հողվածում:

Դ. *Ազատյան* - Պնդում է իր ասածի վրա, պատճառաբանելով, որ եթե դա չլինի, քաղաքներում շատ դպրոցներ չեն բացվի:

Թ. *Ավդալբեկյան* - Առաջարկում է լուսավորության մինիստրին կից ունենալ դպրոցական գլխավոր կոմիտե, որի կազմի մեջ կլինեն փոքր ազգերի ներկայացուցիչները:

Ա. *խոնդկարյան* - Նկատում է, որ իշխանությունը պետք է մասնավորել մինիստրի, նրա դեպարտամենտի և ապա տեղական ինքնավարությունների մեջ:

Դ. *Ջուրյան* - Փոքրամասնության իրավունքը պաշտպանող օրենքներ կան օրինագծի մեջ, կարիք չկա նոր մարմիններ ստեղծելու և ավելորդ ծախսեր անելու: Այս միտքը պարզելու համար բերում է օրինագծի մի քանի հողվածները:

Ա. *Սալխասյան* - Հ. ժողով. կուսակցության ֆրակցիան անհրաժեշտ է համարում, որ լուսավորության մինիստրին կից լինի ուսումնական խորհուրդ՝ առանց

ծայրերին ուշադրություն դարձնելու: Դա կարևոր է նաև փոքրամասնություն կազմող ազգերի իրավունքը պաշտպանելու համար:

*Ի. Չորին* - Բացատրում է, որ օրինագծի մեջ չի ապահովված փոքրամասնության իրավունքը, հետևապես, լուսավորության մինիստրին կից գլխավոր ուսումնական խորհրդի գոյությունն անհրաժեշտ է:

*Դ. Ազատյան* - Յուրաքանչյուր մինիստր կարող է խորհուրդ ունենալ իրեն կից, որի մեջ կարող են մասնակցել փոքրամասնության ներկայացուցիչները. բոլորովին իզուր է այն մտավախությունը, թե դեմոկրատիկ հանրապետության մեջ փոքրամասնությունը կճնշվի:

*Դ. Ջուրաբյան* - Բացատրում է, որ եթե մեր քաղաքականությունը ազատ և անկեղծ լինի փոքր ազգերի վերաբերմամբ, բոլորովին ավելորդ են այդպիսի մարմինները: Ազգային հիմունքներով կազմված այդպիսի մարմինները ավելի ևս վատթարացնում են ազգերի հարաբերությունները:

*Թ. Ավդալբեկյան* - Պաշտպանում է իր առաջարկը, որ լուսավորության մինիստրին կից պետք է լինի խորհուրդ, որի մեջ պետք է փոքրամասնության ներկայացուցիչներ լինեն ոչ թե նրա համար, որ ծայն տան, այլ գերազանցապես իրենց ազգի կարիքների հետ ծանոթացնելու համար:

*Տ. Ռաշմաճյան* - Լուսավորության մինիստրության կից մշտական խորհուրդ ստեղծելու կարիք չենք զգում, սակայն ինքը՝ լուսավորության մինիստրը, պահանջել հարկին՝ կունենա ժամանակավոր մի քանի խորհրդակցական մարմիններ զանազան շրջաններից, որտեղ կմտնեն նաև փոքրամասնության ներկայացուցիչները:

*Ս. Տիգրանյան* - Բացատրություններ է տալիս, որ Անդրկովկասյան իշխանության կողմից արդեն ընդունվել և տնօրինվել էր ազգային կուլտուրական ինքնօրինության մասին [դրույթ]: Սակայն, որովհետև այս կետը բոլորովին նոր ձևակերպություն է ստանում, գուցե կարելի կլինի այս հոդվածը հանձնել դպրոցական հանձնաժողովին՝ վերամշակելու, կամ կազմել խորհրդակցական ծայնով կրթական մինիստրության կից զանազան ազգերի ներկայացուցիչներից բաղկացած մի մարմին:

*Ս. Խաչատրյան* - Առաջարկում է այդ խնդրի լուծումը հանձնել նոր ընտրվելիք լուսավորության մինիստրին:

*Դ. Ջուրյան* - Առաջարկում է ամբողջ օրինագիծը հանձնել դպրոցական հանձնաժողովին, նորից մշակելու համար:

*Ս. Տիգրանյան* - Առաջարկում է դպրոցական հանձնաժողովին տալ միայն հատուկ վերամշակման ենթակա խնդիրները և ոչ ամբողջ օրինագիծը:

Քվեարկվում է Տիգրանյանի առաջարկը, որը և անցնում է 30 ծայնով:

Խորհրդարանը շարունակում է Ա հոդվածի ա) մասի քննությունը: Սոց. դեմոկրատական ֆրակցիան առաջարկում է Ա հոդվածի ա) մասը փոխել հետևյալ ձևով. «Քաղաքներում և գյուղերում դպրոցները հանձնվում են տեղական ինքնավարություններին, իսկ այնտեղ, որտեղ նման հիմնարկություններ չկան, դպրոցները կհանձնվեն նրանց ստեղծվելու օրից»:

Առաջարկությունն անցնում է 18 ծայնով, հակառակ 11-ի:

Օրինագծի նախկին Բ և Գ հոդվածները հանվում են:

Օրինագծի Դ հոդվածը դառնում է Բ, ըստ որի գլխավոր կոմիտեի փոխարեն պետք է լինի կրթության մինիստր:

*Դ. Ազատյան* - Առանձին մինիստրության սկզբունքն ընդունելով, օրինագծի հիմնական հոդվածները փոփոխության են ենթարկվում. ուստի առաջարկում է օրինագիծը վերադարձնել հանձնաժողովին՝ վերամշակելու, համաձայն խորհրդարանի ընդունած սկզբունքների: Առաջարկությունն ընդունվում է 24 ծայնով:

Օրակարգի Դ խնդրի քննությունը հետաձգվում է, որովհետև օրենսդրական հանձնաժողովը օրենքները քննելիս հնարավորություն չի ունեցել հրավիրելու արդարադատության մինիստրին:

Այնուհետև *Ս. Տեր-Մարտիրոսյանը* մանդատային հանձնաժողովի կողմից զեկուցանում է, որ սոց. հեղ. ֆրակցիայից հեռանում են պատգամավորներ Գրի-

գոր Տեր-Օհանյանը և Արմենակ Ավետիքյանը, որոնց փոխարեն համապատասխան մանդատներով ընդունվում են Գուրգեն Խարմանդարյանը և Տ. Մուշեղյանը: Նույն կարգով սոց. դեմ. ֆրակցիայից հեռանում է Ս. Ղարաբեգյանը և ընդունվում է Աբրահամ Մալխասյանը:

Վերջում խորհրդարանն անցնում է ներքին գործերի մինիստրի՝ խորհրդարանին ներկայացրած՝ խոլերայի ժամանակ ծառայության մեջ մահացող բժշկական պերսոնալի [անվտանգության] ապահովության հարցի քննությանը:

«Ձանգ», 17 սեպտեմբերի 1918թ.